

Datrysiaidau i Daflen Problemau 3

1. Disgrifiwch mewn geiriau y systemau ciwio canlynol:

- (a) $M/M/5$
- (b) $D/M/1/5/SIRO$
- (c) $G/G/\infty$
- (d) $M^3/D/\infty/\infty/PS$
- (e) $M/E_2/1/\infty/FIFO$

Datrysiad 1 Mae gennym:


- (a) $M/M/5$: Dyfodiadau Markovaidd, gwasanaethau Markovaidd, 5 gweinydd, capasity anfeidraidd, cyntaf-i-mewn-cyntaf-allan.
- (b) $D/M/1/5/SIRO$: Dyfodiadau penderfyniaethol, gwasanaethau Markovaidd, un gweinydd sengl, capasiti system o 5, gwasanaethau ar hapdrefn.
- (c) $G/G/\infty$: Dosraniad amser rhwng-dyfodiad cyffredinol, dosraniad amser gwasanaeth cyffredinol, nifer anfeidraidd o weinyddion, capasiti anfeidraidd, cyntaf-i-mewn-cyntaf-allan.
- (d) $M^3/D/\infty/\infty/PS$: Dyfodiadau Markovaidd gyda swp-dyfodiadau maint 3, amseroedd gwasanaeth penderfyniaethol, nifer anfeidraidd o weinyddion, capasiti anfeidraidd, rhannu-prosesyddion.
- (e) $M/E_2/1/\infty/FIFO$: Dyfodiadau Markovaidd, gwasanaethau gyda dosraniad Erlang paramedr 2, un gweinydd sengl, capasiti anfeidraidd, cyntaf-i-mewn-cyntaf-allan.

2. Mewn siop cyw iâr fe ellir disgrifio'r ffrîwr-saim-dwfn fel ciw Markovaidd. Rhoddir darnau o gyw iâr i mewn i'r ffrîwr ar gyfradd λ pob uned amser. Mae ond lle ar gyfer 3 darn o gyw iâr yn y ffrîwr, a ni cymerir archebion bwyd newydd tra bod y ffrîwr yn llawn. Pan mae darn cyw iâr yn y ffrîwr ar ben ei hun mae'r gorffen coginio ar gyfradd μ . Pan fod dau darn cyw iâr yn y ffrîwr mae'n nhw'n coginio ar gyfradd $\mu/3$, a phan fod tri darn cyw iâr yn y ffrîwr mae'n nhw'n coginio ar gyfradd $\mu/4$.

Canfyddwch y tebygolrwyddau cyflwr-sefydlog yn nhermau λ a μ .

Canfyddwch y nifer disgwyliedig o darnau cyw iâr yn y ffrîwr pan fod $\lambda = 5$ a $\mu = 9$.

Datrysiad 2 Mae gennym:



Datrysiaid 2 (continuing from p. 1) *Gan ddatrys ar gyfer cyflwr-sefydlog mae gennym:*

$$\begin{aligned}\lambda\pi_0 &= \mu\pi_1 \\ (\lambda + \mu)\pi_1 &= \lambda\pi_0 + \frac{2}{3}\mu\pi_2 \\ \left(\lambda + \frac{2}{3}\mu\right)\pi_2 &= \lambda\pi_1 + \frac{3}{4}\mu\pi_3 \\ \frac{3}{4}\mu\pi_3 &= \lambda\pi_2 \\ \pi_0 + \pi_1 + \pi_2 + \pi_3 &= 1\end{aligned}$$

Datrys π_1 yn nhermau π_0 :

$$\pi_1 = \frac{\lambda}{\mu}\pi_0$$

Datrys π_2 yn nhermau π_0 :

$$\begin{aligned}(\lambda + \mu)\pi_1 &= \lambda\pi_0 + \frac{2}{3}\mu\pi_2 \\ (\lambda + \mu)\frac{\lambda}{\mu}\pi_0 &= \lambda\pi_0 + \frac{2}{3}\mu\pi_2 \\ \frac{\lambda^2}{\mu}\pi_0 &= \frac{2}{3}\mu\pi_2 \\ \pi_2 &= \frac{3\lambda^2}{2\mu^2}\pi_0\end{aligned}$$

Datrys π_3 yn nhermau π_0 :

$$\begin{aligned}\pi_3 &= \frac{4\lambda}{3\mu}\pi_2 = \frac{4\lambda}{3\mu}\left(\frac{3\lambda^2}{2\mu^2}\pi_0\right) \\ \pi_3 &= \frac{2\lambda^3}{\mu^3}\pi_0\end{aligned}$$

Ac yn olaf, ar gyfer π_0 :

$$\begin{aligned}\pi_0 + \pi_1 + \pi_2 + \pi_3 &= 1 \\ \pi_0 \left(1 + \frac{\lambda}{\mu} + \frac{3\lambda^2}{2\mu^2} + \frac{2\lambda^3}{\mu^3}\right) &= 1 \\ \pi_0 &= \frac{1}{\left(1 + \frac{\lambda}{\mu} + \frac{3\lambda^2}{2\mu^2} + \frac{2\lambda^3}{\mu^3}\right)}\end{aligned}$$

Datrysiaid 2 (continuing from p. 2) Pan mae $\lambda = 5$ a $\mu = 9$ mae gennym:

$$\pi_0 = \frac{1458}{3443} \quad \pi_1 = \frac{810}{3443} \quad \pi_2 = \frac{675}{3443} \quad \pi_3 = \frac{500}{3443}$$

Ac felly y nifer disgwylidig o darnau cyw iâr yn y ffriwr yw:

$$\begin{aligned} L &= \left(0 \times \frac{1458}{3443}\right) + \left(1 \times \frac{810}{3443}\right) + \left(2 \times \frac{675}{3443}\right) + \left(3 \times \frac{500}{3443}\right) \\ &= \frac{3660}{3443} = 1.063 \end{aligned}$$

3. Ystyriwch ciw $M/M/1$ gyda chyfradd dyfodi $\lambda = 10$ a $\mu = 15$. Canfyddwch ρ , P_0 , L , W , W_q , a L_q .

Datrysiaid 3 Gallwn defnyddio'r fformiwlâu:

$$\begin{aligned} \rho &= \frac{\lambda}{\mu} = \frac{10}{15} = \frac{2}{3} \\ P_0 &= 1 - \rho = 1 - \frac{2}{3} = \frac{1}{3} \\ L &= \frac{\rho}{1 - \rho} = \frac{2/3}{1 - 2/3} = 2 \\ W &= \frac{1}{\lambda} L = \frac{1}{10} \times 2 = \frac{1}{5} \\ W_q &= W - \frac{1}{\mu} = \frac{1}{5} - \frac{1}{15} = \frac{2}{15} \\ L_q &= \lambda W_q = 10 \times \frac{2}{15} = \frac{4}{3} \end{aligned}$$

4. Ystyriwch ciw $M/M/\infty$ gyda chyfradd dyfodi $\lambda = 6$ a $\mu = 8$. Canfyddwch P_0 , L , W , W_q , a L_q .

Datrysiaid 4 Gallwn ddefnyddio fformiwlâu a bach o meddwl hewristig:

$$\begin{aligned} P_0 &= e^{-\theta} = e^{-6/8} = 0.47237 \\ W &= \frac{1}{\mu} = \frac{1}{8} \\ W_q &= L_q = 0 \quad \text{gan fod neb yn ciwio} \\ L &= \lambda W = 6 \times \frac{1}{8} = \frac{3}{4} \end{aligned}$$

5. Ar gyfer ciw $M/M/\infty$ gyda chyfradd dyfodi λ a chyfradd gwasanaeth μ , deilliwch y ffaith fod $L = \lambda/\mu$ heb ddefnyddio deddfau Little.

Datrysiaid 5 Gwyddon os $\theta = \lambda/\mu$, yna mae:

$$P_k = \frac{\theta^k}{k!} P_0 \quad P_0 = e^{-\theta}$$

Nawr ystyriwch L :

$$\begin{aligned} L &= \sum_{k=0}^{\infty} k P_k \\ &= \sum_{k=1}^{\infty} k P_k \\ &= \sum_{k=1}^{\infty} k \frac{\theta^k}{k!} e^{-\theta} \\ &= e^{-\theta} \sum_{k=1}^{\infty} \frac{\theta^k}{(k-1)!} \\ &= \theta e^{-\theta} \sum_{k=1}^{\infty} \frac{\theta^{k-1}}{(k-1)!} \\ &= \theta e^{-\theta} \sum_{n=0}^{\infty} \frac{\theta^n}{n!} \\ &= \theta e^{-\theta} e^{\theta} \\ &= \theta = \lambda/\mu \end{aligned}$$

gan adnabod yr ehangiad cyfres ar gyfer y ffwythiant esbonyddol.

6. Fe ellir disgrifio canolfan diagnostig gwaed fel ciw $M/M/1$. Mae samplau gwaed yn cyrraedd ar gyfradd λ pob uned amser. Unwaith maent yn y ganolfan, os ydynt yn cael ei prosesu neu yn aros i'w brosesu, mae angen cadw'r samplau yn oed, ar gost o C_h pob uned amser. Mae peiriant diagnostig awtomatig yn gallu prosesu'r samplau gwaed un ar y tro, ar gyfradd μ pob uned amser, sydd yn gallu cael ei reoli. Mae'n costio μC_s pob uned amser i rhedeg y peiriant ar gyfradd μ . Beth dyle cyfradd gwasanaeth y peiriant fod er mwyn lleiafysymio cyfanswm y cost?

Datrysiaid 6 Cyfanswm y cost pob uned amser bydd:

$$\begin{aligned}
 C &= C_h L + \mu C_s \\
 &= C_h \frac{\rho}{1 - \rho} + \mu C_s \\
 &= \frac{C_h \lambda}{\mu - \lambda} + \mu C_s \\
 &= C_h \lambda (\mu - \lambda)^{-1} + \mu C_s
 \end{aligned}$$

Er mwyn lleiafysmio hon, mae angen i ni ganfod gwerth μ lle mae $\frac{dC}{d\mu} = 0$:

$$\begin{aligned}
 \frac{dC}{d\mu} &= -\lambda C_h (\mu - \lambda)^{-2} + C_s \\
 0 &= -\lambda C_h (\mu - \lambda)^{-2} + C_s \\
 \frac{\lambda C_h}{(\mu - \lambda)^2} &= C_s \\
 \frac{\lambda C_h}{C_s} &= (\mu - \lambda)^2 \\
 \sqrt{\frac{\lambda C_h}{C_s}} &= \mu - \lambda \\
 \mu &= \sqrt{\frac{\lambda C_h}{C_s}} + \lambda
 \end{aligned}$$

Ile cymeron ni'r gwraidd positif oherwydd gwyddon fod $\mu > \lambda$ pherwydd sefydlogrwydd. I wirio fod hwn yn lleiafswm a nid uchafswm, defnyddiwn y prawf ail deilliad:

$$\begin{aligned}
 \frac{d^2 C}{d\mu^2} &= 2\lambda C_h (\mu - \lambda)^{-3} \\
 &= 2\lambda C_h \left(\sqrt{\frac{\lambda C_h}{C_s}} \right)^{-3} \\
 &\geq 0
 \end{aligned}$$

felly mae $\mu = \sqrt{\frac{\lambda C_h}{C_s}} + \lambda$ yn leiafswm.